

gum in contexti funiculi morem gerunt: vestem, ornatum, & omnem vivendi rationem, ut Tartari, retinent; Tartarorumque lingua melius quam Tibetana loquuntur. Et quanquam Tibetanis pareant: li tamen nullum ex Horensibus militem scribunt; quòd signa facile deserant, & ad Tartaros amicos deficiant.

Jam si hæc nostra Tibetanæ Chorographiæ adumbratio cum *Ptolemæi* Tabulis conferatur, Populos hosce tam longe lateque fufos eisdem esse invenies, qui illius Geographi ætate partim in *Scythia* tum *intra* tum *extra* *Imaum*, partim in *Serica*, ac partim etiam in *India* comprehendebantur. *Deguignes* noster in *Descript.* tam sæpe commemorata *Magn. Tartar.*, *Emodios*, *Sericos*, & *Otorocoras* *Tibetanorum montes appellat*. *Sera* Metropolis *Sericæ*, eadem esse potest ac *Serà* ad *Or. Lhassæ*, ubi *Cœnobium*, ac *Templum Xacaitarum* extat celeberrimum. Sed multo longius, extra *Sericæ* fines, *Tibetanos* excurrere, ex iis, quæ hæctenus domesticis eorum monumentis in nixi protulimus, nemo non facile deprehendere poterit. Nunc autem qua via, peracta *maritima* navigatione ad *Gangem* usque, *Lhassam* exinde pergere queas, ostendam.

ITINERARIUM LHASSENSE

E SINU BENGALICO.

O Stium *Gangis*.

Defunctus periculis, quæ plura sunt in introitu, die primo Gangetica navigationis sub vesperam procul in litore positam cernes Civitatem, quam vocant

Angeli.

Die tertio Navi egressus invisere poteris

Calcatà.

Hhh

Urbs

Urbs est, & Emporium sub potestate Anglorum. Sedem in ea tenet Gubernator Generalis, & Supremus Senatus ad regendas colonias in Bengala, aliisque vicinis Regionibus collocatas. Liberum faciunt Religionis cultum. Catholici publicum habent Templum, ademque Monasticam Fratrum Augustinianorum Nationis Lusitana. Hi Missionum Apostolicarum curam, ac ministerium gerunt: eorumque alteri Episcopus S. Thome Vicarii Generalis munus committere consuevit.

Chandernagor Civitas ad ripas occiduas fluvii, & a Mari distita. M. P. CCXL.

Gallorum colonia est. Patres Jesuita ejusdem gentis homines Parochorum munere funguntur: Subsunt tamen Vicario Generali Calcatensi. Hospitium, & Ecclesiam publicam, ex Decreto S. Cong. de Prop. F., possident Patres Capuccini ob communicationem, quam habent cum Missionibus Tibetanis. Nam ut in toto Regno Bengalico, sic etiam in ditone Chandernagor Missiones Apostolica addicta sunt Augustinianis.

Cionciurat Civitas, & Colonia Hollandica.

Hospitium, & Ecclesia Augustinianorum.

Bandel, vel Bander Civitas, & Arx Hugli nuncupata.

Sub Rege Lusitano Istius Urbis Principe, antequam ab Oranze Mogollensium Imperatore caperetur, cum in hac, tum in omnibus Bengalorum terris Christiana Religio mirifice florebat. Cœnobium Banderense FF. Augustinianorum non tam adium amplitudine, ac Religiosorum hominum frequentia, quam publicarum Scholarum splendore celebre olim, atque conspicuum, hodieque spectatur; sed ob adversas temporum calamitates, habitatoribus, praterquam paucis, pene desertum.

Saedabat: Aldea, sive Oppidum, & Statio mercatoria Gallorum.

Cal-

Calcapur: Aldea, & Statio mercatoria Hollandorum.

Casimbazar: Aldea, & Statio mercatoria Anglo-
rum. M. P. CVI.

Prater hos, Armeni sunt, Persa, Casimirii, aliarumque exterarum gentium Mercatores, qui ad Oppida propter Gangem frequentissima, domos habent amplissimas ad serici negotiationem exercendam. Supra Casimbazar dividitur Ganges in alveos plures. Horum alter est, qui fluit contra Chandernagor. Ceteri in Orientaliores plagas diducti versus Dakà in Mare labuntur.

Moxudabat: Regia Civitas, & Sedes Navab, hoc est Magni Gubernatoris Bengalæ, sub Tropico ad gr. 23. $\frac{1}{2}$ in Imperio Mogolis.

Opulentissima est, & Mercatoribus frequentatissima. Habitatorum numerus ad decies quinquies centena millia accedere traditur. Muti-gil Gemma splendens; & Hiran-gil Adamas nitidus, sic appellata sunt Villa superba, & loca deliciarum Regalibus adibus magnifice, & eleganter constructis exornata. Religio Mahumetica dominatum tenet. Indi Gentiles majores numero sunt, quam Mahumetani. Illi tamen nullas intra Orbis mœnia Pagodas habent. Circum Moxudabat, in toto illo tractu, cujus circuitus est centum quinquaginta mille passuum, bombyces nent singulis mensibus, suoque opere ingentem ferunt indigenis serici copiam.

Bagankolà

Hujus nomen exponitur: Hortus Civitatis annonariæ. Sunt enim ibi horrea refertissima, & promptuaria annonæ.

Godagarì: Magna ac celebris.

Mortufahanadì.

Sanctuarium Mahumetanorum.

Raggmol.

Finis ditionis, sive Navabatus Hugoli.

Urbano Cancellario exhibetur Dastoch hoc est Tabel-

la itineraria, quam viatores acceperant a Navabatu Hugoli, novamque accipiunt pro Navabatu Bhear, vel Patnà. Sacrigali.

Civitas, & Propugnaculum finium Regni Bengalici. Hinc longissima series collium incipit, qui gradatim in majorem montium altitudinem versus Occasum astivum assurgunt; indeque veluti cursum flectentes in Boream, cum aliis montibus ceu catenati junguntur. Mensibus Novembri, Decembri, ac Januario vertices nive tectos procul ostentant. Ex his originem Gangis vulgo repetunt Indi: Tigrium ac Bubalorum silvestrium frequentia cum in inferiori, tum maxime in superiori montium, ac silvarum tractu ad latera fluvii, major est, & periculosior.

*Galiagali: Civitas, & Arx Beahrensium
Baghalpor.*

Giankirà.

Gorgat: Oppidum, Gangis impetu pene dirutum, & exesum.

Darbangà fluvius, postquam in sui sinum aquas Bagmati Nèkpalensis recepit, influit in Gangem. Hinc Darbanga, nomine Bagmati Nèkpalenses præsertim appellant.

Mongher: Magna Civitas, sed infrequens.

Ab Alexandro Magno conditam ferunt Indi, ducti, ut ego puto, fama plane fallaci. Sekander Azim vocatur ab his populari lingua Alexander.

Sita Kun, sive Site Kunnus.

Sanctuarium is est Bramhanum, maximum; eorumque pœnitentium Conventu celeberrimum.

Surggaraha: Oppidum.

Deriapur: Civitas subdita Patna.

Caladirà: Aldea, sive Oppidum incolis frequentissimum.

Kandok, vel ut alii scribunt, Kandak fluvius originem

nem ducens e Regno Turut, [ubi Academia Bramhanum floret,] delabitur in Gangem e regione Patnà. Gignit crocodilos majoris magnitudinis. Sitne Turut, idem ac Bourout, a Deguign. commemoratum, ignoro.

Patnà: Civitas ampla, & antiqua in Imperio Magni Mogolis; sub gr. 26. m. 30. lat. ad Boream.

*Navab Urbis Patna pendet a Moxudabatensi. Incola supputantur decies centena millia. Indorum gentilium, numerus triplo major est quam Musulmanorum. Galli, Angli, Hollandi domos habent, & promptuaria amplissima ad sal petra, & opium cum primis, aliasque merces recon-
dendas. Textrinis, & opificiis gossipinis varii generis plena Civitas est.*

Hospitium Patrum Capuccinorum.

Itaque Gangeticum iter a Chandernagor in Patnà Urbem. M. P. DCCCC.

Si Patnà discesseris, navigans fluvio secundo, octiduo venies Chandernagor. At adverso flumine, ex Urbe Chandernagor solvens, Patnam non venies, nisi post diem quadragesimum quintum.

Isdem occiduis oris post dies octo pedestri itinere adire poteris.

Bennares. aliàs Casì.

Accademia Bramhanum apud Indos omnium clarissima. Hic Xacam in lucem editum ferunt Tibetani. Vid. pag. 33.

TERRESTRE ITER A CASIMBAZAR IN PATNÀ.

Casimbazar.		
Moxudabat.	M. P.	II.
Sarai-divan.		XIV.
Aurangabad.		XXII.
Sarcebad.		XVI.
		Rag-

Raggmol.	XVI.
Sacrigali.	XVIII.
Sanbad.	XVIII.
Colnon.	XXIV.
Basalpur.	XXIV.
Sultan-fansè.	XVIII.
Safesevad.	XVIII.
Navab-gansà.	XXVIII.
Terfanpur.	XXVI.
Bahr.	XX.
Daicentpur.	X.
Patnà.	X.

M. P. CCCLX.

E Gange iter divertens Návim in *Kandac* inducis; diemque fere integrum fluvium adscendes.

Singhia: Aldea.

Locus est negotiationis Hollandorum ad Ripam Orientalem Kandoc. Hinc usque Lhassam iter omne terra conficitur.

Lalgang: Aldea.	M. P. I.
Patarà: Aldea.	VII.
Dubiai: Aldea.	VI.
Shain: Arx	XII.
Mesì.	XIV.

Prima Civitas est Regni Magni Mogolis venientibus e Nèkpal Indostan versus: ultima ex Indostan euntibus Nèkpal. Hanc modo possidet Regulus Bettianus ea conditione, ut solvat quotannis Imperatori tributum 10000. Rupì; sic enim vocant quoddam moneta Mogolica genus aquans estimatione Romana Julios argenteos fere quinque. Mesì eadem ipsa videtur ac Mutigar, quam Kircherius a Batanà, [hoc est a Patnà] iter dierum x. distitam refert. Huc die v. pervenerunt PP. Missionarii Capuccini Patnà digressi.

Kal-

Kalpaghur: Aldea.

XIV.

Barrihuà: Aldea.

XVI.

Terminus Regni Mogolici.

Amanuh: Aldea sub dominio Reguli Maquam-
pur. XXVIII.

Toto fere itinere a Barrihuà Amanuh usque, per asperam, densamque silvam, latam M. P. XXVIII., longam ab Or. ad Oc. C., inter cubilia Elephantorum, Rhinocerotum, Tigrium, Bubalorum, aliarumque ferarum non sine vita periculo incedendum est. Noctu ad quatuor latera Papi- lionis gestatilis magnis accensibus ignibus, clamoribus, crebris boatibus, tympanis, armisque strepentibus procul arcentur Tigres. At bajuli, viarumque duces Idololatra superstitiosis figuris, & incantamentis uti plerumque solent. Ex venatione ferarum uberrimi proventus obveniunt Principi Maquampurgensi. In silva media rudera frequentia visuntur: reliquia, [ut ajunt,] vastissima, & antiquissima Urbis Scimangada, cujus Ectypon hic damus.



Mul-